

# Von Chymischer Kunst.

Arzte/ durch Verachtung der Vorfahren Messigkeit vnnnd Abbruch  
Wollust werden / so reizet vnnnd zwinget sie vns auch fast wieder vnser  
Willen/ zu deroselben Gebrauch/ vber diß alles ist auch vornemblich wol  
zubetrachten/ daß zu Erhaltung des Lebens vnd der Gesundheit kein bes-  
ser Rath sey / dann sich der vngelernten Arzte zu eussern / desgleichen/  
daß kein gewisserer Weg zur Gesundheit vnnnd vollkomlichen Alter sey/  
dann keine vnerfahrne Arzte gebraucht haben.



## T R A C T A T V S

### T E R T I V S.

Ein feiner Vnderricht für die jenigen/ so sich  
der Destillation vnd Chymischen Kunst befleissen vnd  
gebrauchen wollen/ nach anweisung Herren Philippi  
Theophrasti Paracelsi.

**W**er der natürlichen Dinge einen perfectum  
Separatorem sich rühmen will/bedarf einer grossen Er-  
fahrenheit/ eine vollkommene Erkennnuß aller natürli-  
chen Dinge/ darzu daß er ein wolgeübter Alchimist sey/  
daß er wisse was verbrennlich vnd vnverbrennlich / was  
fix/ was volatilis/ flüssig oder vnflüssig/ auch gewichtiger als das ander  
ist / darzu soll er wissen eines jeglichen natürliche Farbe/ Geruch/ Sawre/  
Herbe / Härte/ Bitterigkeit/ Süßigkeit/ Grad / Complexion vnnnd  
Qualitet.

Darnach soll er auch wissen die Gradus der Separation / als da ist  
destillieren/ resoluiieren/ putrificieren/ extrahieren/ calcinieren/ reverberie-  
ren/ sublimieren/ reduciieren/ coagulieren/ pulverisieren/ lavieren.

In der Destillation scheidet sich das Wasser vnnnd Oele von allen  
corporalischen Dingen.